

石
谿
讀
周
官

石谿讀周官第五

安溪官獻瑤述

秋官司冠第五

孫壽相全校

惟王建國辨方正位體國經野設官分職以爲民極
乃立秋官司冠使帥其屬而掌邦禁以佐王刑邦
國

刑官之屬大司寇卿一人小司寇中大夫二人士師
下大夫四人鄉士上士八人中士十有六人旅下
士三十有二人府六人史十有二人胥十有二人
徒百有二十人

遂士中士十有二人府六人史十有二人胥十有二
人徒百有二十人

縣士中士三十有二人府八人史十有六人胥十有
六人徒百有六十人

方士中士十有六人府八人史十有六人胥十有六人徒百有六十人

自鄉士至方士按地設刑官以糾之使民知附于刑卽歸于士然後有地治之官其令易行其教易入也。○曰鄉曰途曰縣曰方自近而遠國野次序最分明當合地官對勘條理愈肆然

詔士中士八人府四人史八人胥八人徒八十人
朝士中士六人府三人史六人胥六人徒六十人
司民中士六人府三人史六人胥三人徒三十人
司刑中士二人府一人史二人胥二人徒二十人

司刺下士二人府一人史二人徒四人

司約下士二人府一人史二人徒四人

司盟下士二人府一人史二人徒四人

職金上士二人下士四人府二人史四人胥八人徒

八十人

司厲下士二人史一人徒十有二人

犬人下士二人府一人史二人賈四人徒十六人

司圜中士六人下士十有二人府三人史六人胥十

有六人徒百有六十人

掌囚下士十有二人府六人史十有二人徒百有二十人

掌戮下士二人史一人徒十有二人

司隸中士二人下士十有二人府五人史十人胥二十人徒二百人

次司隸于掌戮死者既伏其事矣其緣坐相連者尙冀其漸除舊汙列于齊民設官司之所以防範而安全之仁之至義之盡也所掌者罪隸而發吏之俘獲者屬焉亦望其慕化更新如漢金日磾以

匈奴沒入掖庭養馬卒能自奮爲
國名臣豈可以其爲俘而棄之

罪隸百有二十人

蠻隸百有二十人

閩隸百有二十人

夷隸百有二十人

貉隸百有二十人

布憲中士二人下士四人府二人史四人胥四人徒

四十人

禁殺戮下士二人史一人徒十有二人

禁暴氏下士六人史三人胥六人徒六十人

野廬氏下士六人胥十有二人徒百有二十人

蜡氏下士四人徒四十人

雍氏下士二人徒八人

萍氏下士二人徒八人

司寤氏下士二人徒八人

司烜氏下士六人徒十有二人

司燧主爰國火屬夏官司燧掌明水屬秋官司燧因其兼取明火以司燧名之陰不先陽之義歟

條狼氏下士六人胥六人徒六十人

修閭氏下士二人史一人徒十有二人

冥氏下士二人徒八人

庶氏下士一人徒四人

穴氏下士一人徒四人

翬氏下士二人徒八人

柞氏下士八人徒二十人

雉氏下士二人徒二十人

若族氏下士一人徒二人

翦氏下士一人徒二人

赤友氏下士一人徒二人

蠅氏下士一人徒二人

壺涿氏下士一人徒二人

庭氏下士一人徒二人

自冥氏至庭氏爲民除害祛毒穢悉畢周然所設
之官不遺一二人易氏以爲主防必王身潔清聞

見其義得之而設官皆宿其業者傳授有自俾民講求已驗之方而去其滋蔓之害惠甚溥也

銜枚氏下士二人徒八人

伊耆氏下士一人徒二人

大行人中大夫二人小行人下大夫四人司儀上士八人中士十有六人行夫下士三十有二人府四人史八人胥八人徒八十人

環人中士四人史四人胥四人徒四十人

象胥每翟上士一人中士二人下士八人徒二十人

掌客上士二人下士四人府一人史二人胥二人徒二十人

掌訝中士八人府二人史四人胥四人徒四十人
掌交中士八人府二人史四人徒三十有二人
掌察四方中士八人史四人徒十有六人

掌貨賄下士十有六人史四人徒三十有二人
朝大夫每國上士二人下士四人府一人史二人庶
子八人徒二十人

都則中士一人下士二人府一人史二人庶子四人
徒八十人

都士中士二人下士四人府二人史四人胥四人徒
四十人家士亦如之

大司寇之職掌建邦之三典以佐王刑邦國詰四方

既云刑邦國矣又曰詰四方者合東西南北之邦
國計之其民情俗尚不同而新國平國亂國之等
出矣此典之一日刑新國用輕典二日刑平國用
所以有三也

中典三曰刑亂國用重典

刑貴適中或輕或重隨
地而異具用所謂權也

好生之仁明允之智缺一不可大以五刑糾萬民
司寇所以建邦立極者莫先於此
一曰野刑上功糾力二曰軍刑上命糾守三曰鄉
刑上德糾孝四曰官刑上能糾職五曰國刑上愿
糾暴言自國而鄉而野經之例也所謂國刑指國中
區總以原謹為先循法守令而強暴不率化者去
之無使敗常亂俗尚書君陳之篇詳矣觀西漢趙
尹韓張之治京兆稱賢吏猶有周官遺意刑法
載在國憲者一獄吏能辨之所難在得法中之意
耳三典示用刑者所當用五刑示用刑者以園土
所當上權乎天理人情之至非聖人不能以園土
聚教罷民凡害人者寘之園土而施職事焉以明

刑恥之其能改者反于國中不齒三年合衆罷民而求之于

尋丈之地勞相勉勵相戒幸而更新則其不能改

國土猶庠序也謂之聚教誰曰不宜而出園土者殺烈特以其無心故拘禁之其其改

也若私逃出是有意爲惡必不能改以兩造禁民故以其所犯之重罪而真之重典

訟入束矢於朝然後聽之以兩劑禁民獄入鈞

金三日乃致于朝然後聽之以嘉石平罷民凡

萬民之有罪過而未麗於灋而害於州里者桎梏

而坐諸嘉石役諸司空重罪旬有三日坐甚役其

次九日坐九月役其次七日坐七月役其次五日
坐五月役其下罪三日坐三月役使州里任之則
省而舍之 以肺石達窮民凡遠近憐獨老幼之
欲有復於上而其長弗達者立於肺石三日士聽
其辭以告於上而罪其長非是則不敢立于肺石而士亦不為聽矣窮而
無告者必達而許訟者亦無由藉以長奸皆運用
天理而曲盡其精微者也長官之長也憐獨老幼
最容易聞正月之吉始和布刑于邦國都鄙乃縣
抑者也刑象之灋于象魏使萬民觀刑象挾日而飲之

凡邦之大盟約澁其盟書而登之于天府大史內

史司會及六官皆受其貳而藏之

觀此乃知春秋書盟之故蓋盟

爲邦國大典而諸侯信之爲非禮非但議其信不由中瀆于鬼神而已也

凡諸侯之獄

訟以邦典定之凡卿大夫之獄訟以邦瀆斷之凡

庶民之獄訟以邦成弊之

大祭祀奉犬牲

若

禋祀五帝則戒之日瀝誓百官戒于百族及納亨

前王祭之日亦如之奉其明水火

凡朝覲會同

前王大喪亦如之

大軍旅瀝戮于社

古人謂大刑甲兵而

惟戮者必司冠
法定于一也 凡邦之大事使其屬蹕

小司冠之職掌外朝之政以致萬民而詢焉一日詢
國危二曰詢國遷三曰詢立君其位王南鄉三公
及州長百姓北面羣臣西面羣吏東面小司冠擯
以叙進而問焉以衆輔志而弊謀所詢者大事當
冢宰司徒主之
而屬之小司冠者冢宰與司徒已列在羣臣中矣
卽大司冠亦列在羣臣中矣朝士屬司冠外朝其
所專掌而以刑官之貳
臨萬民罔敢肅也以五刑聽萬民之獄訟附
于刑用情訊之至于旬乃弊之讀書則用灋凡命

夫命婦不躬坐獄訟凡王之同族有罪不即市此

即此

鄉遂縣方諸士所上之獄訟而司寇聽之者也于小司寇見之大司寇可知文有詳畧耳所讀之書即士師所以五聲聽獄訟求民情一日辭聽二日

色聽三日氣聽四曰耳聽五曰目聽聽其聲而觀其色聆其氣

察其耳目皆儀項事非詞則無由得其情故曰五聲于小司寇見之通上下以八辟麗

邦灋附刑罰八辟序次輕重如秤稱而出一曰議親之辟二曰

議故之辟三曰議賢之辟四曰議能之辟五曰議

功之辟六曰議貴之辟七曰議勤之辟八曰議賓

之辟

勤非必有功其勤躬盡瘁亦可矜愍

以三刺斷庶民獄訟之中

一曰訊羣臣二曰訊羣吏三曰訊萬民聽民之所

刺宥以施上服下服之刑及大比登民數自生

齒以上登于天府內史司會冢宰貳之以制國用

小祭祀奉犬牲凡禋祀五帝實鑊水納亨亦

如之

祀五帝大司寇奉明水火小司寇因之實鑊水土士師因之泊鑊水皆取秋氣潔清之義亦

如之亦實鑊水以滌牲大賓客前王而辟后世子

也上實鑊水以滌牲

之喪亦如之小師涖戮凡國之大事使其屬

蹕 孟冬祀司民獻民數於王王拜受之以圖國
用而進退之歲終則令羣士計獄弊訟登中于天
府 正歲帥其屬而觀刑象令以木鐸曰不用灋
者國有常刑令羣士乃宣布于四方憲刑禁乃命
其屬入會乃致事

士師之職掌國之五禁之灋以左右刑罰一曰宮禁
二曰官禁三曰國禁四曰野禁五曰軍禁皆以木
鐸徇之于朝書而縣于門閭

此與大司寇五刑相
左右刑者刑于已發

禁者禁于未然鄉不言禁者八刑已申于司以五
徒矣有官禁無官刑者已專掌于小宰矣

戒先後刑罰毋使罪麗于民一曰誓用之于軍旅
二曰誥用之于會同三曰禁用諸田役四曰糾用
諸國中五曰憲用諸都鄙掌鄉合州黨族閭比
之聯與其民人之什伍使之相安相受以比追胥
之事以施刑罰慶賞掌官中之政令察獄訟之
辭以詔司寇斷獄弊訟致邦令

自鄉遂以至縣方
獄訟成皆士師受

中協日刑殺要其終而言也此察訟獄之辭以詔
司寇原其初而言也司寇斷獄弊訟于朝士師已

詔之于先果無疑誤然後以其協于中掌士之八者授之士師不如是士師不遽受也

成一曰邦汭二曰邦賊三曰邦諜四曰犯邦令五曰撓邦令六曰爲邦盜七曰爲邦朋八曰爲邦誣

五禁左右五戒先後皆不欲民之麗于法也至于一成而不可變皆罪在不赦者書曰愍不畏死罔弗憝次于禁戒若邦凶荒則以荒辯之瀟治之令之後非得已也

移民通財糾守緩刑凡以財獄訟者正之以傅

別約劑若祭勝國之社稷則爲之尸王燕出

入則前驅而辟祀五帝則沃尸及王盥泊饁水

凡釁珥則奉犬牲 諸侯爲賓則帥其屬而蹕

于王宮大喪亦如之 大師帥其屬而禁逆軍旅

者與犯師禁者而戮之

司寇大師小師蒞戮于社
卽士師所戮之逆令犯禁

者也官尊故蒞之用此知戮于社者
乃軍中之刑若師還則戮之于市矣 歲終則令正

要會正歲帥其屬而憲禁令于國及郊野

鄉士掌國中各掌其鄉之民數而糾戒之 聽其獄

訟察其辭辯其獄訟異其死刑之罪而要之旬而

職聽于朝司寇聽之斷其獄弊其訟于朝羣士司

刑皆在各麗其灋以議獄訟獄訟成士師受中協

日刑殺肆之三日若欲免之則王會其期糾戒之庶獄訟

寡不獲已而有之乃察其辭辭者聲聽也已得其
實故謂之辯辯別也若黑白分也乃異其爰書或
附于大辟或附于墨劓荆宮在後世決獄之官將
奏當行法矣而古之士官未敢以爲當也需之十
日果罪人無反覆然後以所職之要聽于外朝大
司寇則其長也聽之五聲聽之也聽而後弊之羣
士司刑則其僚也各以所附于刑者出衆見以議
之司寇言弊羣士司刑言議以位之尊卑言實則
合衆見而歸一是如此而獄訟乃一成不可變重
言之者言成之不易也在鄉士辨之謂之要在司
寇羣士司刑斷之議之謂之成在士師受之謂之
中中者中也然後擇日而蔽厥辜焉慎之又慎讀

此而不生惻怛之心者非人也。遂士縣士方士解
繁不殺此與立政篇終呼太史而思蘇公聲出復
忝真仁人之言哉。○此所謂期職聽于朝之旬也。
王舉大詢之禮與三公六卿萬民衆聽之不但司
冠羣士司刑而已。格外之典如八議三刺必稟乎
人心之同王者不以已與也。若者不常有之詞。
大祭祀大喪紀大軍旅大賓客則各掌其鄉之禁
令帥其屬夾道而蹕。三公若有邦事則爲之前

驅而辟其衷亦如之。

以下文六卿大夫將事之
遠近別之所以優尊也

凡

國有大事則戮其犯命者

遂士掌四郊各掌其途之民數而糾其戒令

鄉士官
治在國

中遂士掌六遂官治則設于四郊鄉之地入于聽郊而遂自郊始則鄉必無餘地可為公邑矣

其獄訟察其辭辨其獄訟異其死刑之罪而要之

二旬而職聽于朝鄉一旬而職聽者恐囚虛承或有反覆也遂縣宜皆同其旬以

漸而增加則論地遠近而包旬而職聽之義于其中不疏不數在官無愆期在民無易慮在上無繁

庶之患在下少凌狻司寇聽之斷其獄辨其訟于之憂政之善物也

朝羣士司刑皆在各麗其瀆以議獄訟獄訟成士

師受中協日就郊而刑殺各於其遂肆之三日若

欲免之則王令三公會其期此所謂期二旬職聽之期也餘倣此王非

厚于近而薄于遠也獄事繁猥身親之勢有不能
惟于國中躬蒞之外此命諸臣代理以官之尊卑
別地之遠近其若邦有大事聚衆庶則各掌其途
矜慎之心則同之禁令帥其屬而蹕六卿若有邦事則爲之前
驅而辟其衷亦如之士舉六卿以包三公猶縣九郊
有大事則戮其犯命者

縣

士掌野各掌其縣之民數糾其戒令

郊外爲野六遂野也自遂

而稍縣都皆野也承遂士掌四郊則其官治設于郊外之野又可知矣自遂而稍縣都公邑之獄訟各掌之猶縣師掌四等之公邑也注謂官治自二百里至四百里以漸而遠所以使民要之皆野也

疏謂遠有公邑是已謂遠之公邑獄訟遂士掌之
與經例不合縣士掌野與遂之公邑密通今治獄
訟通治其公邑之遠者而合其公邑之近者于義
何取乎。以公邑任甸地掌之者當曰甸士然如
此則兼掌都家公邑之義不明而聽其獄訟察其
曰縣士掌野則甸在其中矣

辭辨其獄訟異其死刑之罪而要之三旬而職聽
于朝司寇聽之斷其獄弊其訟于朝羣士司刑皆
在各麗其灋以議獄訟獄訟成士師受中協日刑
殺各就其縣肆之三日若欲免之則王命六卿會
其期若邦有大役聚衆庶則各掌其縣之禁令

若大夫有邦事則爲之前驅而辟其衷亦如之
凡野有大事則戮其犯命者

方士掌都家 聽其獄訟之辭辨其死刑之罪而要
之三月而上獄訟于國司寇聽其成于朝羣士司
刑皆在各麗其灋以議獄訟獄訟成士師受中書
其刑殺之成與其聽獄訟者或以死刑爲大辟經
變異言辨則若死若
刑不可強同辨之正所以異之也注說不可易外
諸侯獄訟上于朝期以一年則內諸侯獄訟期以
一時治凡都家之大事聚衆庶則各掌其方之禁
體應爾

令以時修其縣灋若歲終則省之而誅賞焉縣師

掌公邑疑與都家之法不同而辨夫家人民田萊及六畜車輦之數則自鄉遂以至都鄙一也豈獨公邑哉專舉縣法以其地之連毗公邑言之而都家之公邑縣士兼掌之又其明證矣凡都家之士所上治則主之

訝士掌四方之獄訟諭罪刑于邦國凡四方之有治

於士者造焉四方有亂獄則往而成之罪刑謂有罪而當用

刑者邦國讞決未當故特命訝士宣道意指亦不常有之事不然以九州之廣邦國之多豈訝士八人所能遍及哉諭罪刑則邦國無枉撓之獄訟有治必達于士則邦國無疑滯之獄訟亂獄往成則

邦國無畔理逆倫之獄訟四方雖大
訝士掌其要領皆在範圍之內矣
邦有賓客則
與行人送逆之入於國則爲之前驅而辟野亦如
之居館則帥其屬而爲之蹕誅戮暴客者客出入
則道之有治則贊之
凡邦之大事聚衆庶則讀
其誓禁

朝士掌建邦外朝之灋左九棘孤卿大夫位焉羣士
在其後右九棘公侯伯子男位焉羣吏在其後面
三槐三公位焉州長衆庶在其後左嘉石平罷民

焉右肺石達窮民焉帥其屬而以鞭呼趨且辟禁

慢朝錯立族談者

凡國中鄉遂及野都家之獄訟皆職聽于外朝大故詢衆庶及

三刺亦皆于外朝朝士之職修而德立

刑行政成事時邦非是則無以建也 凡得獲貨

賄人民六畜者委于朝告于士旬而舉之大者公

之小者庶民私之

外朝萬目共瞻之地以所拾者歸於朝上不但便于領取且無

所用其私也 凡士之治有期日國中一旬郊二旬野三

旬都三月邦國期期內之治聽期外不聽

士指諸士期猶

王會其期之期朝士掌外朝之政必諸士職聽遲速有定期乃可會集官正官屬而定其議或王欲

親繼之又必令三公九卿萬民而大詢焉假如期日參差不但無以肅政體且日不暇給矣故日期內之治聽凡有責者有判書以治則聽士聽其真期外不聽偽也朝士掌外朝與萬民時相訊亦凡民同貨財兼掌聽斷之事自此以下數條意同省令以國濫行之犯令者刑罰之凡屬責者以其地傳而聽其辭凡盜賊軍鄉邑及家人殺之無罪凡報仇讎者書於士殺之無罪若邦凶荒札喪寇戎之故則令邦國都家縣鄙慮刑貶此節恐錯簡按士師職若邦凶荒則以荒辨之法治之令移民通財糾守緩刑與此意同應移在大同冠

末職

司民掌登萬民之數自生齒以上皆書于版辨其國中與其都鄙及其郊野異其男女歲登下其死生及三年大比以萬民之數詔司寇司寇及孟冬祀司民之日獻其數于王王拜受之登于天府內史司會冢宰貳之以贊王治

歲登言每歲必以生齒實數獻于小司寇

小司寇乃據以獻之王此不言者文互見耳自鄉士至縣士皆云掌其民數方士脩縣法亦掌民數也次司民於朝士之後民數欲其多不欲其寡好生之德協于民心矣

司刑掌五刑之灋以麗萬民之罪墨罪五百劓罪五

百宮罪五百剕罪五百殺罪五百若司寇斷獄

弊訟則以五刑之灋詔刑罰而以辨罪之輕重

遂士等職羣士司刑皆在各麗其法以議獄訟指此比掌于司刑者其常也

司刺掌三刺三宥三赦之灋以贊司寇聽獄訟壹刺

曰訊羣臣再刺曰訊羣吏三刺曰訊萬民壹宥曰

不職再宥曰過失三宥曰遺忘壹赦曰幼弱再赦

曰老旹三赦曰憇愚

朝士職公孤卿大夫州長羣士所謂羣臣也公侯伯子男

雖出封亦羣臣也羣吏在諸侯之後衆庶在三公
州長之後衆庶卽萬民也王欲免之會其期則合
羣臣羣吏萬民而次第以訊焉衆以爲當刺則刺
之當宥當赦則宥之赦之以萬民爲主此掌于
司刑者以此三灋者求民情斷民中而施上服下
其變也

服之罪然後刑殺

觀此則必可宥可赦者然後免
于刑殺王欲免之原未有心

也中卽受中之中未斷
民中士師將何以受之

司約掌邦國及萬民之約劑治神之約爲上治民之

約次之治地之約次之治功之約次之治器之約

次之治摯之約次之

司冠以兩劑禁民獄卽司約
萬民之約劑也既有約劑而

猶相控必奸民也故繫諸獄或有不得已而控當
判其曲直故既敢入金則司寇亦以聲聽之法聽
之不可憚煩也然既有約刺則犯約而控于司寇
亦僅矣止獄訟于先使狡焉者各慮其後此王者
設盟約之司之深意也以邦國及萬民則凡大約
邦國之約刺尤重故下文約刺分大小凡大約
刺書於宗彝小約刺書於丹圖若有訟者則珥而
辟藏其不信者服墨刑若大亂則六官辟藏其不
信者殺

司盟掌盟載之灋凡邦國有疑會同則掌其盟約
之載及其禮儀北面詔明神既盟則貳之掌盟載而兼言

約何也蓋有約而不盟者矣未有盟而不約盟萬者也司約可不言盟司盟不可不兼言約

民之犯命者誛其不信者亦如之凡民之有約劑

者其貳在司盟有獄訟者則使之盟誛亦如詔明神貳載書

之儀法也盟之本意欲其久而弗渝一變而盟犯命司之掌惡臣以示戒又一變而出三物誛祝之

以示畏此相因而起者故別言之已上邦凡盟誛國已下萬民曰約劑曰盟誛亦相因而起

各以其地域之衆庶共其牲而致焉既盟則為司

盟共祈酒脯

職金掌凡金玉者丹青之戒令受其入征者辨其

物之嫩惡與其數量楬而璽之入其金錫于爲兵器之府入其玉石丹青于守藏之府入其要掌受士之金罰貨罰入于司兵旅于上帝則其其金版饗諸侯亦如之凡國有大故而用金石則掌其令

司厲掌盜賊之任器貨賄辨其物皆有數量賈而楬之入于司兵其奴男子入于罪隸女子入于春槩凡有爵者與七十者與未齒者皆不爲奴

犬人掌犬牲凡祭祀共犬牲用牲物伏瘞亦如之凡
幾珥沈辜用駝可也 凡相犬率犬者屬焉掌其
政治

司圜掌收教罷民凡害人者弗使冠飾而加明刑焉
任之以事而收教之能改者上罪三年而舍中罪
二年而舍下罪一年而舍其不能改而出圜土者
殺雖出三年不齒 凡圜土之刑人也不虧體其
罰人也不虧財

掌囚掌守盜賊凡囚者上罪梏拲而桎中罪桎梏下

罪梏王之同族奉有爵者桎以待弊罪及刑殺

告刑于王

包有爵同族者在內司寇行戮王爲之
不舉有爵同族者加痛懲焉注爲王欲

有所赦義
之偏者耳奉而適朝士加明梏以適市而刑殺之

凡有爵者與王之同族奉而適甸師氏以待刑殺

掌戮掌斬殺賊諜而搏之凡殺其親者焚之殺王之

親者辜之凡殺人者踣諸市肆之三日刑盜于

市凡罪之麗於灋者亦如之唯王之同族與有爵

者殺之于甸師氏 凡軍旅田役斬殺刑戮亦如

之

恐人疑軍旅田役乃司馬之事故特言之大小司冠蒞戮士師戮犯禁逆命行刑者皆掌戮也

墨者使守門劓者使守關宮者使守內劓者使守

圉髡者使守積

內傳衛莊公髡某氏之妻以爲呂姜髡至于人故是人之所甚忿者

先王謂可以生羞惡之心故以髡次于墨劓之下使守積視守內守圉者又有間矣

司隸掌五隸之灋辨其物而掌其政令 帥其民而

搏盜賊役國中之辱事爲百官積任器凡囚執人

之事

上云掌五隸此云帥其民所以邦有祭祀賓別于四翟明其爲罪隸之民也

客喪紀之事則役其煩辱之事 掌帥四翟之隸

使之皆服其邦之服執其邦之兵守王宮與野舍

之屬禁

與帥其民對舉民以搏執盜賊翟以守王宮野舍同一徒隸而使之各得其宜服其

邦之服執其邦之兵所謂辨其物也

罪隸掌役百官府與凡有守者掌使令之小事凡封

國若冢牛助爲牽傍其守王宮與其屬禁者如蠻

隸之事

卽司隸役辱事爲百官積任器也

蠻隸掌役校人養馬其在王宮者執其國之兵以守

王宮在野外則守厲禁

閭隸掌役畜養鳥而阜蕃教擾之掌子則取隸焉

夷隸掌役牧人養牛馬與鳥言其守王宮者與其守

厲禁者如蠻隸之事

貉隸掌役服不氏而養獸而教擾之掌與獸言其守

王宮者與其守厲禁者如蠻隸之事

自蠻隸至貉隸各有所役

亦用其一長與役百官府者又不同

布憲掌憲邦之刑禁正月之吉執旌節以宣布于四

方而憲邦之刑禁以詰四方邦國及其都鄙達于

四海 凡邦之大事合衆庶則以刑禁號令

禁殺戮掌司斬殺戮者凡傷人見血而不以告者攘

獄者過訟者以告而訟之

以字總上各項告其司對司伺也雖盛明之世

亦有生於窮荒遐壤相戕虐而抑于強禦無伸者故設是職以禁之司冠禁民訟而過訟者亦禁之禁民獄而攘獄者亦禁之王道所以不蔽于一偏也攘如攘臂之攘力爭喧喝不使得前也

禁暴氏掌禁庶民之亂暴力正者撓誣犯禁者作言

語而不信者以告而誅之

非能正其不正也以強力正之耳奸民之權幾

與縣官等凡國聚衆庶則戮其犯禁者以徇凡奚祿聚

而出入者則司牧之戮其犯禁者

野廬氏掌達國道路至于四畿 比國郊及野之道

路宿息井樹若有賓客則令守涂地之人聚榛之

有相翔者誅之 凡道路之舟車擊互者叙而行

之 不叙則擊互者不得前舟車銜尾而至擁擠觸多又不但擊互而已稽滯時日曠業生乎非久

客于外山行水宿不知念凡有節者及有爵者至而行之之法良意美也

則爲之辟 禁野之橫行徑踰者 凡國之大事

比脩除道路者掌凡道禁 邦之大師則令埽道路且以幾禁行作不時者不物者

蜡氏掌除𧈧 凡國之大祭祀令州里除不蠲禁刑者任人及凶服者以及郊野大師大賓客亦如之若有死於道路者則令埋而置楬焉書其日月焉縣其衣服任器于有地之官以待其人掌凡國之𧈧禁

雍氏掌溝瀆澮池之禁凡害於國稼者春令爲阱獲

溝瀆之利於民者秋令塞阱杜獲 禁山之爲苑

澤之沈者

沈如陸沈之沈澤中有藪剗去之一望皆水以爲池沼之樂與爲苑者皆棄貨

于地故禁之

萍氏掌國之水禁幾酒謹酒禁川游者

司寤氏掌夜時以星分夜以詔夜士夜禁禦晨行者

禁宵行者夜游者

晨行言禦非有害於人慮其懼于害耳宵行夜游則作奸可虞

故禁之

司烜氏掌以夫遂取明火於日以鑒取明水於月以

共祭祀之明盥明燭共明水

明燭水火氣故先言之

凡邦之

大事共墳燭庭燎

中春以木鐸修火禁于國中

司燭兼禁焚禁于野此惟禁于國中

軍旅修火禁邦若屋誅則爲明

寯焉

條狼氏掌執鞭以趨辟王出入則八人夾道公則六

人侯伯則四人子男則二人

凡誓執鞭以趨於

前且命之誓僕右曰殺誓馭曰車轡誓大夫曰敢

不關鞭五百誓師曰三百誓邦之大史曰殺誓小

史曰墨

修間氏掌比國中宿互橐者與其國粥而比其追胥
者而賞罰之 禁徑踰者與以兵革趨行者與馳
騁於國中者 邦有故則令守其間互唯執節者
不幾

冥氏掌設弧張爲阱獲以攻猛獸以靈鼓毆之若得
其獸則獻其皮草齒須備 毆之遠去毋爲民物害
蓋弧張阱獲所不能除
者未嘗必與之角以
傷人也 注義似窄

庶氏掌除毒蟲以攻說禴之嘉草攻之凡毆蟲則令

之比之

上除蟲官自除之也至于民間毆蟲則令之以攻除之法又比技使相助去毒不遺

餘力也

穴氏掌攻螫獸各以其物火之以時獻其珍異皮草

獸之螫也以冬故可及時獻之

翊氏掌攻猛鳥各以其物爲媒而拊之以時獻其羽

翊羽翊始爲飾矢用歟鷹隼之化也以時故亦及時獻之經文無一字虛設

柞氏掌攻草木及林麓夏日至令刊陽木而火之冬

日至令剝陰木而水之若欲其化也則春秋變其

水火允攻木者掌其政令

鍊草木有政令攻草木亦有政令物既盛而當

殺故屬之秋官

雉氏掌殺草春始生而萌之夏日至而夷之秋繩而

芟之冬日至而耜之若欲其化也則以水火變之

掌凡殺草之政令

攻草木或以通道路或以去第蔽不皆為滋穀土以茂桑稷也

倘遇沃衍之區則又教民以化之之法聖人所以盡地利兼盡物性也

蓍族氏掌覆夭鳥之巢以方書十日之號十有二辰

之號十有二月之號十有二歲之號二十有八星
之號縣其巢上則去之

翦氏掌除蠹物以攻縻攻之以莽草熏之凡庶蠹之

事

亦兼爲民
去耗蠹

赤友氏掌除牆屋以蜃炭攻之以灰洒毒之凡隙屋

除其羆蟲

蜃炭熾蜃以炭薰而去之也是未成灰
者灰則和水遍洒之蟲遇灰必死故曰

毒

蜎氏掌去鼯鼯焚牡鞠以灰洒之則死以其煙被之

則凡水蟲無聲

壺涿氏掌除水蟲以炮土之鼓毆之以焚石投之若
欲殺其神則以牡槀午貫象齒而沈之則其神死
淵爲陵

庭氏掌射國中之天鳥若不見其鳥獸則以救日之
弓與救月之矢夜射之若神也則以大陰之弓與
枉矢射之

天鳥不皆有巢可摘又設爲驅除之法明于天地之性陰陽之理非誕也

銜枚氏掌司囂國之大祭祀令禁無囂軍旅田

役令銜枚 禁踞呼歎鳴於國中者行歌哭於國
中之道者

伊耆氏掌國中之大祭祀其其杖咸 軍旅授有爵
杖 共王之齒杖

大行人掌大賓之禮及大客之儀以親諸侯 春朝
諸侯而圖天下之事秋覲以比邦國之功夏宗以
陳天下之謨冬遇以協諸侯之慮時會以發四方
之禁殷同以施天下之政時聘以結諸侯之好殷

順以除邦國之慝

六典以治邦國天子諸侯其之因設為賓客禮儀以明君臣之

分以通遠邇之情曰事曰功曰謨曰慮曰禁曰政日好日惡皆六典之散見者講去其非而歸于一明通公溥顯其比而無私親之至也閒問以諭諸侯之志歸服以交

諸侯之福賀慶以贊諸侯之喜致禴以補諸侯之

災

四者天子使臣下交諸侯之禮朝覲至聘順是諸侯與其臣上交天子之禮上下交相親固結

維繫蓼蕭湛露之詩所為作也自大行人之職不修其流弊至于紀綱不振下陵土替而王迹息矣春秋所以九儀辨諸侯之命等諸臣之爵以同邦為作也

國之禮而待其賓客

禮先樂後別而後能交辨之等之而後能同親之者仁也

等之辨之者義也 上公之禮執桓圭九寸纁藉九寸冕服

九章建常九旂樊纓九就貳車九乘介九人禮九

牢其朝位賓主之間九十步立當車軹擯者五人

廟中將幣三享王禮再裸而酢饗禮九獻食禮九

舉出入五積三問三勞

朝位一項擯相一項將幣

承立文自注疏看作一串遂費許多牴牾信乎離經不可不細也朝覲之禮所以明君臣也明君臣故無迎送之禮而侯氏奠圭于廟享幣亦于廟覲禮所或明白無疑然則賈氏非不習儀者而謂受賈瑞于朝朝後行三享之禮于廟何也善乎慄也程氏之言也曰賈氏見此經備載迎法而覲禮又

無迎賓之文故分朝禮于治朝謂無迎法惟受玉
畢既正南面之尊然後講賓主之禮迎入廟而行
享則于經本文皆合不知禮者序也忽而分階揖
讓忽而負斧屨南面可謂序乎然則受玉受享俱
于廟如覲禮所云確矣而經載朝位迎送遠近何
也曰吾固言之矣是離經之誤也夫迎送之禮享
食燕之禮非朝覲之禮也湛露之詩曰不醉無歸
以燕禮公食禮衷之其有朝位遠近也固宜蓋朝
覲以明君臣則尊卑之義重故不獨覲禮正北面
曰朝曰宗遇皆正北面也受玉受享同也饗食以
正交接則慈惠之恩隆故不獨燕禮備揖讓曰食
曰享皆備揖讓也大賓大客同也然則當宁而立
東西面曰朝非歟曰是記者諸侯之禮執信圭七
言之耳按之諸經無是也

寸纁藉七寸冕服七章建常七旂樊纓七就貳車

七乘介七人禮七牢朝位賓主之間七十步立當
前疾擯者四人廟中將幣三享王禮壹裸而酢饗
禮七獻食禮七舉出入四積再問再勞 諸伯執
躬圭其他皆如諸侯之禮 諸子執穀璧五寸纁
藉五寸冕服五章建常五旂樊纓五就貳車五乘
介五人禮五牢朝位賓主之間五十步立當車衡
接者三人廟中將幣三享王禮壹裸不酢饗禮五
獻食禮五舉出入三積壹問壹勞 諸男執蒲璧

其他皆如諸子之禮

凡大國之孤執皮帛以繼

小國之君出入三積不問壹勞朝位當車前不交
擯廟中無相以酒禮之其他皆祗小國之君 凡
諸侯之卿其禮各下其君二等以下及其大夫士
皆如之 邦畿方千里其外方五百里謂之侯服
歲壹見其貢祀物又其外方五百里謂之甸服二
歲壹見其貢嬪物又其外方五百里謂之男服三
歲壹見其貢器物又其外方五百里謂之采服四

歲壹見其貢服物又其外方五百里謂之衛服五
歲壹見其貢材物又其外方五百里謂之要服六
歲壹見其貢貨物九州之外謂之蕃國世壹見各
以其所貴寶爲摯其禮各下其君二等慄也程氏
以此決諸侯之卿時聘王亦行
饗食燕之禮是固然矣竊疑賓席當仍
牖前歟王之席仍在阼歟當入思議王之所以
撫邦國諸侯者歲徧存三歲徧頤五歲徧省七歲
屬象胥諭言語協辭命九歲屬鼓史諭書名聽聲
音十有一歲達瑞節同度量成牢禮同數器修灋

則司馬九畿九服以稟正朔通聲教言之也六服分
六歲朝畢去天子巡狩述職之所及言之也六服分
屬象胥以至天子巡狩殷國之期尚遠故自七歲
官稽察加密焉糾比加嚴焉虞書修五禮同律度
于時巡肆覲之際觀于周官乃知已先期釐正此
王靈所以丕振天威所以如臨也。言語尋常十
應對詞命言語之成章者也書字學名音學
有二歲王巡守殷國職方王將巡守則戒于四方
王當施政于天下乃舉行之所謂殷同也時會殷
同皆大也尋常發禁施政不統四方天下言之則
謂之小經例本明若王巡守而考制度于方岳如
虞書肆覲東后亦可謂之殷國掌客王巡守殷國
國君膳以牲犢是也又覲禮附見合諸侯為壇之
禮則發禁施政亦不時行之經屢言大會同與大

朝覲並舉是也此節言王撫萬邦自方一歲至十
二歲以漸而加密自應兼巡守與不巡守言之注
不可易○自邦畿至此皆言諸侯之修職貢天子
之撫友邦而掌其政令者大行人蓋與春官宗伯
相左右者也凡諸侯之王事辨其位正其等協其禮賓

而見之 若有大喪則詔相諸侯之禮 若有四

方之大事則受其幣聽其辭 凡諸侯之邦交歲

相問也殷相聘也世相朝也兼言邦交之禮諸侯各有行人掌之而實

稟大行人之命以行之

小行人掌邦國賓客之禮籍以待四方之使者 令

諸侯春入貢秋獻功王親受之各以其國之籍禮

之

入貢與春餘三時可知也秋獻功則春圖事亦互見法以其籍禮之諸公執桓圭九寸已下九

儀之等也小行人堂禮籍佐大行人其詳已見上茲特撮其畧耳凡諸侯入王則

逆勞于畿及郊勞眡館將幣爲承而擯凡四方之

使者大客則擯小客則受其幣而聽其辭使適

四方協九儀賓客之禮朝覲宗遇會同君之禮也

存煩省聘問臣之禮也達天下之六節

已下至末皆小

行人山國用虎節土國用人節澤國用龍節皆以

專職

金爲之道路用旌節門關用符節都鄙用管節皆以竹爲之 成六瑞王用璚圭公用桓圭侯用信圭伯用躬圭子用穀璧男用蒲璧 合六幣圭以馬璋以皮璧以帛琮以錦琥以繡璜以黼此六物者以和諸侯之好故 若國札喪則令賻補之若國凶荒則令賑委之若國師役則令稿禴之若國有福事則令慶賀之若國有禍裁則令哀弔之凡此五物者治其事故

若者不必有之詞界有之則以王令令之宗伯掌其綱有

行人而宗伯之
凶禮乃不虛設及其萬民之利害爲一書其禮俗

政事教治刑禁之逆順爲一書其悖逆暴亂作慝

猶犯令者爲一書其札喪凶荒厄貧爲一書其康

樂和親安平爲一書凡此五物者每國辨異之以

反命于王以周知天下之故

所及者世多約而爲五天下之故皆在其

中矣非每國皆備此五者辨而異之無其事不敢以告皇華以五物報政與七司馬九法九伐實相表裏

司儀掌九儀之賓客擯相之禮以詔儀容辭令揖讓

之節 將合諸侯則令爲壇三成宮旁一門

朝覲宗遇

不詳其儀獨詳大會同舉其盛也合諸侯于壇不
于廟非但地不足以容兼有祀方明之禮或舉盟
載蒞牲之典必于國外乃合也以壇爲宮宮有
門旌門也門內有壇壇以爲堂宮以爲牆壇廣輪
十二尋階三等足以行執玉獻幣賜禪之禮宮方
三百步壇外餘地尙寬車馬之多庭實之盛介紹
僕御之衆足以有容矣注謂分四時春東方六服
盡來夏秋冬如之夫以十二尋之壇三等之階六
服諸侯盡來將于何處徧行拜跪揖讓之禮此以
經文按之而知其必不然者無惟後儒之訾議也
觀春秋會盟所書諸侯最多不過十餘人雖王霸
不同其規制事實約畧可推時會發禁原不必羣
后畢集若殷同分時來覲或牧或伯皆可報政順
命觀虞書之咨十二牧詢四岳亦不必一方盡來

也詔王儀南鄉見諸侯土揖庶姓時揖異姓天揖

同姓

當王升壇時諸侯已先就其旂而立矣王乃降揖諸侯禮之也王南鄉則諸侯北面以西

爲上惟同面故王上中下其揖而南鄉如故後鄭以明堂位當之顯與經悖

及其擯

之各以其禮公于上等侯伯于中等子男于下等

其將幣亦如之其禮亦如之

擯之延之使升也以觀禮約之侯氏先奠

玉于其等擯者曰王將受之侯氏坐取圭升壇致命王受之玉侯氏降于其等北面再拜稽首擯者延之曰升升成拜乃降將幣及禮如之如其降拜升成拜也徧擯公乃擯侯伯徧擯侯伯乃擯子男徧擯子男畢然後王燕則諸侯毛禴分三等皆以亦分三等皆以

爵序惟行燕禮則尚齒觀此享食在燕
燕在寢彰然矣此更端之詞非一時事 凡諸公

相爲賓主國五積三問皆三辭拜受皆旅擯再勞
三辭三揖登拜受拜送 主君郊勞交擯三辭車
逆拜辱三揖三辭拜受車送三還再拜 致館亦
如之致餼如致積之禮 及將幣交擯三辭車逆
拜辱賓車進答拜車進上加一賓字明車逆拜辱者之爲王人也三揖三
讓每門止一相及門必揖相相揖也及廟唯上相入賓三揖
三讓登再拜授幣賓拜送幣每事如初賓亦如之

及出車送三請三進再拜賓三還三辭告辟致

饗餼還圭饗食致贈郊送皆如將幣之儀賓之

拜禮拜饗餼拜饗食賓繼主君皆如主國之禮

諸侯諸伯諸子諸男之相爲賓也各以其禮相待

也如諸公之儀

禮謂儀容辭令揖讓之節

諸公之臣相爲國

客則三積

儀禮聘于隣國無積出入同

皆三辭拜受及大夫郊

勞旅殯三辭拜辱三讓登聽命下拜登受賓使者

如初之儀及退拜送

致館如初之儀

及將幣

旅擯三辭拜逆客辟三揖每門止一相及廟唯君
相入三讓客登拜客三辟授幣下出每事如初之
儀 及禮私面私獻皆再拜稽首君答拜 出及
中門之外問君客再拜對君拜客辟而對君問大
夫客對君勞客客再拜稽首君答拜客趨辟 致
饗餼如勞之禮饗食還圭如將幣之儀 儀禮使卿還圭與將
幣之儀不同儀禮所紀者侯伯禮非諸公禮也 君館客客辟介受命遂
送客從拜辱于朝 明日客拜禮賜遂行如入之

積 凡侯伯子男之臣以其國之爵相爲客而相

禮其儀亦如之凡四方之賓客禮儀辭命餽牢賜

獻以二等從其爵而上下之

詞命亦從其爵上下之見古人修詞之工

爲命之慎

凡賓客送逆同禮凡諸侯之交各稱其邦

而爲之幣以其幣爲之禮 凡行人之儀不朝不

夕不正其主面亦不背客

擯相之容盡于數語內傳云禮成而將之以敏

論語曰左右手衣前後襜如也

行夫掌邦國傳遽之小事媿惡而無禮者凡其使也

必以旌節雖道有難而不時必達

雖傳遽小事必以旌節行之主

于必達也因小行人達六節嫌于行夫可以不備故特言之

居於其國則掌

行人之勞辱事焉使則介之

環人掌送逆邦國之通賓客

聘禮使者所過之邦致幣請帥即邦國之通賓

客而送迎之也故王令還人主其事

以路節達諸四方舍則授館令

聚櫟有任器則令環之

注曰令令野廬氏觀此則附行人于秋官亦取其相

監事

凡門關無幾送逆及疆

象胥掌蠻夷閩貉戎狄之國使掌傳王之言而諭說

焉以和親之若以時入賓則協其禮與其辭言傳之凡其出入送逆之禮節幣帛辭令而賓相之

凡國之大喪詔相國客之禮儀而正其位凡軍

旅會同受國客幣而賓禮之凡作事王之大事

諸侯次事卿次事大夫次事上士下事庶子

此節必有

節簡黃氏度謂合上二節

皆小行人職未知是否

掌客掌四方賓客之牢禮餼獻飲食之等數與其政

治王合諸侯而饗禮則具十有二牢庶具百物

備諸侯長十有再獻

皆諸侯也于其長者行十有再獻之禮其餘以漸而降或

九或七或五如儀禮飲酒先獻賓次獻介次獻衆賓各以其列不患日力之不給也或以十二獻統之如燕禮徧獻卿徧獻大夫之禮亦可行司儀言王合諸侯奠圭將幣及祿禮而止此乃遙接上經而及饗禮以終之與尋常賓客享禮又不同其食禮與尋常食禮亦必有異但不可考矣

王

巡守殷國則國君膳以牲犢令百官百姓皆具

國侯

必有行人之官然牢禮膳獻飲食之等出令者乃天子之掌客莫敢為主也王饗諸侯庶具百物備諸侯獻天子令百官百姓皆具上下交相愛敬之義也禮盛物充而無特禮無異物所以可久

從者三公眡上公之禮卿眡侯伯之禮大夫眡子

男之禮士眡諸侯之卿禮庶子壹眡其大夫之禮

凡諸侯之禮

已下所紀牢禮膳獻各件第舉其數至陳設次第方位不及聘禮準

然蓋周官志其要儀禮上公五積皆眡餼率三問志其儀詳畧不同也

皆脩羣介行人宰史皆有牢餼五牢食四十

餼取其速

飽以致味爲主故以庶羞珍美之食爲先與饗之盛禮先太牢者不同簋十豆四十

鉶四十有二壺四十鼎簋十有二牲三十有六皆

陳饗餼九牢其奴牢如餼之陳率四牢米百有二

十筮醯醢百有二十翟車皆陳車米眡生牢牢十

車車乘有五簋車禾貳舛牢牢十車車三秬芻薪倍
禾皆陳乘禽日九十雙股膳大牢以及歸三饗三
食三燕若弗酌則以幣致之凡介行人宰史皆有
飧饗餼以其爵等爲之牢禮之陳數唯上介有禽
獻夫人致禮八壺八豆八簋膳大牢致饗大牢食
大牢卿皆見以羔膳大牢侯伯四積皆貳飧羶
再問皆脩飧四牢食三十有二簋八豆三十有二
鉶二十有八壺三十有二鼎簋十有二腥二十有

七皆陳饗餼七牢其歠牢如飧之陳牽三牢米百
筥醢醢百甕皆陳米三十車禾四十車芻薪倍禾
皆陳乘禽日七十雙殷膳大牢三饗再食再燕凡
介行人宰史皆有飧饗餼以其爵等爲之禮唯上
介有禽獻夫人致禮八壺八豆八簋膳大牢致饗
大牢卿皆見以羔膳特牛 子男三積皆眡飧牽
壺問以脩飧三牢食二十有四簋六豆二十有四
鉶十有八壺二十有四鼎簋十有二牲十有八皆

陳饗餼五牢其處牢如飧之陳率二牢米八十簋
醯醢八十壚皆陳米二十車禾三十車芻薪倍禾
皆陳乘禽日五十雙壹饗壹食壹燕凡介行人宰
史皆有飧饗餼以其爵等爲之禮唯上介有禽獻
夫人致禮六壺六豆六邊膳眡致饗親見卿皆膳
特牛 凡諸侯之鄉大夫士爲國客則如其介之
禮以待之 凡禮賓客國新殺禮凶荒殺禮札喪
殺禮禍裁殺禮在野在外殺禮

在野先儒謂行禮
在郊蓋遠郊遂縣

之地歟然則會同合諸侯
行盛禮在近郊可知矣

凡賓客必致禮以饗

用賓客有禮惟芻稍之受遭主之賁不受饗食受

牲禮

注謂受正不受加有羣介
在不受饗餼將何以供之

學訝掌邦國之等籍以待賓客 若將有國賓客至

則戒官脩委積與士逆賓于疆爲前驅而入及宿

則令聚櫟及委則致積 至于國賓入館次于舍

門外待事于客 及將幣爲前驅至于朝詔其位

入復及退亦如之 凡賓客之治令訝訝治之凡

從者出則使人道之及歸送亦如之 凡賓客諸
侯有卿訝卿有大夫訝大夫有士訝士皆有訝
凡訝者賓客至而往詔相其事而掌其治令

掌交掌以節與幣巡邦國之諸侯及其萬民之所聚

者道王之德意志慮使咸知王之好惡辟行之

使和諸侯之好達萬民之說掌邦國之通事而結

其交好以諭九稅之利九禮之親九牧之維九禁

之難九戎之威

九稅冢宰司徒兼之九禮宗伯之事也九牧九禁九戎司馬之事也

以行人掌賓客通諸侯故設掌交之官交者事相通也聯六官如一體合天下為一家深哉

掌察

闕序官云察四方所察者疑卽小行人所書禮俗政事教治刑禁逆順之類蓋佐行人諮諏諮

詢而後書之以告于王

掌貨賄

闕序官下士十六人而無府何也蓋貨賄掌于大府特設此官與掌客相聯凡幣帛養飧

膳獻之物掌客書之其以文書闕于大府而出入之者則是官也

朝大夫掌都家之國治日朝以聽國事故以告其君

長 國有政令則令其朝大夫 凡都家之治於

國者必因其朝大夫然後聽之唯大事弗因 凡

都家之治有不及者則誅其朝大夫在軍旅則誅

其有司

誅責也戮也都家之治刑罰也都家之士主之而稟令于朝大夫刑罰不中則朝大

夫不得逃其罪其乃刑之大者而有都家司馬左則朝大夫可以辭其責然則秋官持設朝大夫主

都家之治而五官無之重刑法也

都則

闕

都士

闕

家士

闕

石谿讀周官卷五終